

Бугунги
сонда:

Алп ўғлонлар
ўлкаси бу юрт...



Мустақил ҳаёт
мактаби

Ўғлим, сен борсану
НЕГА йўқдайсан?..

Ҳақсевар она юрт, мангу бўл обод!

ТОШКЕНТ ҲАҚИҚАТИ

1928 йил 11 декабрда асос солинган

Вилоят
ижтимоий-сиёсий
газетаси

2021 йил
13 январь
ЧОРШАНБА
№ 3 (13356)

@haqiqatonline

14

январь –
Ватан
ҳимоячилари
куни

Шу кунларда бутун юртимизда ҳамда мамлакатимиз Қуролли Кучлари ташкил топганининг 29 йиллиги ҳамда Ватан ҳимоячилари куни кенг нишонланмоқда.

Мазкур байрамни тантана қилиш орқали халқимиз, айниқса, униб-ўсиб келаётган ёш авлодни юксак ватанпарварлик руҳида тарбиялашга ҳар қачонгидан ҳам катта эътибор қаратилаётганининг замирида жуда теран маъно бор. Зотан, бу қутлуғ байрам тинчликпарвар халқимиз ҳаётидан алпақачон чуқур ва мустақам ўрин олиб улгурган.

Зеро, давлатимиз раҳбари таъкидлаганидек: “Армиямизнинг куч-қудрати ҳарбий хизматчилар билан бутун жамиятимизнинг бирлиги ва ҳамжиҳатлигидадир.”



Суннат САПАРАЛИЕВ олган сурат

Она тилим – жону дилим

МИЛЛИЙ РУҲИЯТ КЎЗГУСИ

Давлатимиз раҳбари томонидан 2019 йил 21 октябрда имзоланган «Ўзбек тилининг давлат тили сифатидаги нуфузи ва мавқеини тубдан ошириш чора-тадбирлари тўғрисида»ги Фармон мамлакатимизда ўзбек тилининг салоҳияти ва нуфузини оширишга йўналтирилган кенг қўламли ислохотларнинг бошланишига туртки бўлди.



Ўтган йили Президентимиз яна бир муҳим ҳужжат – “Мамлакатимизда ўзбек тилини янада ривожлантириш ва тил сиёсатини такомиллаштириш чора-тадбирлари тўғрисида»ги Фармонни имзолади. Фармонда 2020-2030 йилларда ўзбек тилини ривожлантириш, давлат ҳаётининг барча соҳаларида тил сиёсатини изчиллик билан амалга ошириш йўллари аниқ белгилаб берилган бўлиб, бу жараён уч муҳим жиҳати, яъни ўзбек тилини ривожлантириш ва тил сиёсатини такомиллаштириш концепцияси, ушбу концепцияни амалга оширишнинг мақсадли кўрсаткичлари ҳамда жамият ҳаётига татбиқ этиш дастурини қамраб олган.

Ҳозирги даврда тилимиз ўз миллий асосларига жадал равишда қайта бошлади, ўзбек тили миллат ҳаётининг иқтисод, сиёсат, маънавият ва маърифат каби соҳаларида ўзининг теран илдизлари билан тушди, ўзга тил таъсири остида фикрлаш одати сусайиб, миллий тилимизга хос руҳ, сўзлаш одоби, нутқий дид тикланди.

Сўнги йилларда ўзбек луғатчилиги соҳасида ҳам самарали ишлар амалга оширилмоқда. Айниқса, аниқ бир соҳага оид изоҳли луғатларнинг нашр этилаётгани алоҳида эътирофга лойиқ. Қолаверса, фармонда ҳам айнан изоҳли луғат ва атамалар, тилшуносликка оид луғатлар яратилиши ҳамда Давлат тилида иш юритишга оид устувор вазифалар белгилаб қўйилган.

(Давоми 2-саҳифада)

Вилоят бўйлаб



Сурхондарё вилояти ҳокими Тўра Боболов бошчилигидаги бир гуруҳ меҳмонлар ТОШКЕНТ туманида бўлишди.

Туман ҳокими Одилхон Рустамов меҳмонларни Келес шаҳрида амалга оширилган қурилиш-бунёдкорлик жараёнлари билан таништирди.

Шунингдек, делегация аъзолари Хотира майдони, “Универсал спорт мажмуаси”, амфитеатр, Маданият саройи ва туман марказий шифохонасини кўздан кечиришди.

Ташрифдан мақсад эса – тумандаги кенг қўламли бунёдкорлик ишлари, янгиланишлар жараёни билан яқиндан танишиш, ўзаро тажриба алмашиш ва биргаликда иш юритишнинг янги имкониятларини очишдир.

ҚҲИ ЧИРЧИҚ туманида фаолият юритаётган хорижий инвестициялар иштирокидаги “ТСТ CLUSTER” масъулияти чекланган жамияти қошида уруғчиликни ривожлантириш маркази ташкил этиладиган бўлди.

Мазкур марказнинг асосий вазифаси қишлоқ хўжалиги экинларининг юқори авлодди уруғларини етиштириш, уруғчилик соҳасида халқаро ташкилотлар билан ҳамкорлик алоқаларини ўрнатиш, селекция ва уруғчилик соҳасида юқори малакали кадрларни тайёрлашдан иборат.

ҚИБРАЙ туманидаги “Ифтихор” маҳалласида фаолият юритаётган “Genius Kids Academy” хусусий нодавлат мактабгача таълим ташкилида болаларга америкалик педагог-тарбиячи Мисс Фортуна хоним илк инглиз тили сабоқларини бермоқда.

Богчада тарбияланаётган 50 нафарга яқин болалар халқаро таълим стандартлари асосида ўтилаётган машғулотларда катта қизиқиш билан шугулланишмоқда. Қолаверса, богчада кичкинтойларнинг жисмонан соғлом бўлиб ўсишлари учун спорт тўғрақлари ҳам ташкил этилган.

Мудофаа вазирлиги Марказий ҳарбий госпитали ва БЎСТОНЛИҚ тумани тиббиёт бирлашмаси мутахассислари томонидан “Пском”, “Такаёғоқ” маҳалла фуқаролар йиғинлари аҳолиси учун чуқурлаштирилган тиббий кўрик ташкил этилди.

Тиббий кўриқда аҳолига малакали шифокорлар бепул хизмат кўрсатишди.

Ёшлар иттифоқи ОҚҚЎРҒОН тумани кенгаши, туман мудофаа ишлари ва халқ таълими бўлимлари, Ёшлар ишлари агентлиги туман бўлими ҳамкорлигида “Темурбеклар” тадбири ўтказилди.

Ватанпарварлик ойлиги доирасида ҳарбийлаштирилган спорт мусобақасининг саралаш босқичи 44, 9, 18, 35, 23, 30- умумтаълим мактаблари жамоалари иштирокида ташкил этилди.

ОИЛАМ БИЛАН ФАХРЛАНАМАН

Президенти-Мажлиси Мурожатномасида Қуролли Кучларимиз қудратини, қўшинларнинг профессионал ва жисмоний салоҳиятини юксалтириш, ҳарбий хизматчилар ва уларнинг оилаларини ижтимоий қўллаб-қувватлаш ҳамда ёшларимизни ватанпарварлик руҳида тарбиялаш ишларига алоҳида эътибор қаратилиши таъкидланди.



2

ҚУТҚАРУВЧИЛАР УЧУН ЯНГИ БИНО

Оҳангарон туманининг Наманган вилояти билан чегарадош ҳудудидаги “Кўксарой” маҳалла фуқаролар йиғинида “Қамчиқ” махсус қидирув, ёнғин-қутқарув бошқармасининг “Бешқўл” авария-қутқарув отряди навбатчилик пунктининг биноси фойдаланишга топширилди.

Тухфа



Ўзбекистон Республикаси Қуролли Кучлари ташкил этилганининг 29 йиллиги ҳамда Ватан ҳимоячилари куни арафасида очилган мазкур иншоот қутқарувчилар учун ҳақиқий байрам тухфаси бўлди.

Шу муносабат билан ташкил этилган тадбирда Фавқулодда вазиятлар вазирининг биринчи ўринбосари, генерал-майор Абдулла Қўлдошев, туман ҳокимининг биринчи ўринбосари Миршохид Мирюнов, фахрий меҳмонлар, ФВВ академияси курсантлари ва ФВБ хизматчилари иштирок этди.

Ўтган давр мобайнида “Қамчиқ”



махсус қидирув, ёнғин-қутқарув бошқармаси томонидан доволан ҳудуди аҳолисини табиий ва техноген хусусиятли фавқулодда вазиятлардан муҳофаза қилиш, бундай вазиятларда тўғри ҳаракатланишга оид билимларини мустақамлаш, қутқарув тузилмаларини замонавий авария-қутқарув техникалари билан таъминлаш, моддий-техник базасини такомиллаштириш борасида амалга оширилган ишлар муҳим аҳамиятга эга экани алоҳида таъкидланди.

Тадбирда авария-қутқарув отря-

дига махсус техникалар капиталари тантанали равишда топширилди.

Мудофаа вазирлиги қошидаги ансамбль хонанди созандалари ижросидаги куй-қўшиқлар барчага кўтаринки кайфият бағишлади.

ЎЗА

14 январь – Ватан ҳимоячилари куни

"Ўзбекистон Республикасига хизмат қиламан!"
Улар бу сўзни кўп такрорлайдилар ва бундан юраклари фахр, ғурурга тўлади. Улар эрта туриб, саноқли дақиқаларда овқатланишади – биз бемалол нонушта қилишимиз учун. Улар елкасида оғир қуроллар

билан шахдам қадам ташлашади – биз кўчада тинч юришимиз учун. Улар оиласидан узоқда хизмат қилишади – биз оиламиз бағрида бўлишимиз учун. Улар керак бўлса жонини фидо қилишади – биз яшашимиз учун. Чунки, улар Ватанларини беҳад севишади...

ОИЛАМ БИЛАН
ФАХРЛАНАМАН

АЛП ЎҒЛОНЛАР
ЎЛКАСИ БУ ЮРТ...

Ватан ҳимоячилари куни байрами арафасида бир нечта ҳарбий хизматчилар билан суҳбатлашмоқчи бўлдик ва уларнинг вақтлари нақадар тигиз эканини яна бир бор ҳис қилдик. Вилоятимизда хизмат ўтаётган аскарлар билан боғланиш учун кеч бўлишини кутдик.



Болалигимиз ўтган асрнинг 70-йилларига тўғри келган. Биз уруш кўрмаганмиз. Аммо, Иккинчи жаҳон урушининг даҳшатларини, очарчилик, йўқчилик, фронторти ва жанг майдонларидаги азоб-уқубатларни бошидан кечириб, тинч-осуда ҳаёт қадрини улғу бахт деб билувчи ҳамқишлоқларимдан кўп аянчли воқеаларни эшитиб улғайганмиз. Кейинчалик бу ҳақда китобларда ўқидик, фильмларда кўрдик...

Мана, XXI асрнинг 21 йилга ҳам етиб келдик. Лекин, ҳозир ҳам ер юзининг кўп жойларида нотинчлик: терроризм, бойлик учун қурол, табиатга зарар етказиш авж олган. Бундай ношукрликлар жавобсиз қолмади. Кўз илгасмас Covid-19 касаллиги дунёнинг қарийб 80 миллион аҳолисини қириб кетди. Ўқувчилик кезларим устозларимиздан Иккинчи жаҳон урушида мардлик ва жасорат кўрсатган янгийўллик Убай Мусаев, Абдулла Қурбонов, Вали Ғафуров, Николай Шулекин, Нормаммад Толипов, Сирож Тўлаганов, Нурмат Андаржанов, Яҳё Мамадияровлар ҳақида кўп эшитганмиз. Улар урушдан қайтган ҳам турли касбларда меҳнат қилиб, юртимиз оёққа туришига ҳисса қўшишган. Шунингдек, тез-тез мактабларга, ёшлар билан учрашувларга келиб, уруш хотиралари ҳақида сўзлаб беришарди.

"Жанггоҳлар биздан узоқда бўлсада, деярли ҳар бир хонадонга уруш ўз соясини ташлаган эди, – дея эслардимлар буюм. – Ҳар бир оиладан икки-учтадан эркак урушга чақирилган, улардан бирин-кетин қора хат келар, бутун маҳалла аза тутарди..."

Раҳматли буюм 1992 йили 103 ёшда урушда бедарак йўқолган тоғам Носир Аҳроровни кўзлари нигорон кута-кута вафот этдилар...



Аслиддин САЙФУДИНОВ,
Мудофаа вазирлиги тоифаланган объектларни қўшинли қўриқлаш қўмондонлигига қарашли Олмалиқдаги ҳарбий қисм раҳбари ўринбосари, катта лейтенант:

– Бу байрам менга кўпроқ армияга борган даврларимни эслатади. Дўстлар билан бирга пахта териб қийналганларимиз ёдимга тушади. Орада тартибсизлик учун жазоланганмиз ҳам. Мажмуада кўргазма учун саратарошхона бўларди. Биз аскарлар у ерга киролмасдик. Бир куни дўстим билан ўша хонада бир-биримизни социализмни олганмиз. Хона тартибсизлангани учун яхшигина жазоланганмиз ва бу биз учун унутилмас сабоқ бўлган...

2012 йил муддатли ҳарбий хизматда бўлганман. 1 йилдан сўнг миллий гвардия институтига ўқишга кирдим. Илк хизматимни Қашқадарёда бошлаганман. Қўлимдаги кичик қоғозчада манзил ёзилган. Қаерга кетаяпмиз ўзи, деган савол ҳаёлимиздан ўтади. Қарши шаҳридан ўтиб, 60 км. юриб чўлнинг ўртасига бориб қолганман. У ерда 3 йил ишладим. Ҳозир Олмалиқдаги ҳарбий қисмдаман. Бизнинг ҳарбий қисм балансида уй-жой йўқ. Шу боис квартира олганмиз. Унинг пулини давлат тўлаб бермоқда. Ҳарбийлар учун 3 йиллик автокредит бор. Уй олсак 50 фоизгача бошлангич бадалини тўлаб беришади.

Аҳроржон АКРАМЖОНОВ,
оддий аскар, 23 ёшда:

– Ватан ҳимоячилари куни байрамини барча ҳарбий хизматчилар интизорлик билан кутишади. Негаки, уларнинг йил давомида эришган ютуқлари шу куни эътироф этилади. Мен хизматга келишимдан олдин, киноларда қасамёд қилаётган аскарларга ҳавас қилардим.

Армия ҳаёт мактаби дейишадик-ку, бу ердаги қийинчиликларни енгиб ўтганлар ҳаёт синовларига бардошли бўлишади. Бошида ўзим ҳам қийналдим. Аммо, кўникиб кетдим. Айниқса, 40 кунлик карантинда ҳарбийларга хос юришни, бир хил оёқ ташлашни ўрганишимиз ўзгача бўлганди. Аскарларда шундай ҳолат бўлади: олдиндаги аскар чап оёғини кўтарганда, сиз ўнгини кўтарворсангиз олдиндаги аскарни оёғига тепиб юборасиз. Ёки оёққа қўшилиб чап қўл олдинга чиқиб кетади. Бу ташқаридан жуда кулгили кўринади. Ўнг оёқ олдинга чиққанда чап қўл орқага кетиши керак. Энди

армияга бормоқчи бўлган тенгдошларим, укаларимга маслаҳатим: кўпроқ жисмоний машқлар бажаришин, камроқ ухлаб, меъёрида овқатланишин. Дарвоқе, овоз машқлари ҳам қилишин. Бу ерда саф қўшиқлари куйлаганимиз, айниқса, ошхонага қўшиқ айтиб борганларимиз умрбод ёдимдан чиқмас керак. (PS: Аскардан қўшиқ хиргойи қилиб беришини сўрадик, баланд овозда куйланган қўшиқ бизга жуда ёқди...)

*Қалбимда куй бўлиб таралган диёр,
Истиқлол завқини яратдинг бир бор.
Ўзинг яғонасан зўр чироғинг бор,
Бахт тўла хур Ватан –
Ўзбекистонсан...*

*Байроғинг бошингда ҳилпира,
Порлаган истиқлол машъали.
Хумоқуш, ой-юлдуз ялтирар,
Қалқондир ўзбекнинг аскари.*

Бунақа қўшиқларимиз жуда кўп. Улар аскарларнинг руҳиятини



кўтаришга, жанговар шайлиқни оширишга, энг муҳими, Ватанга муҳаббатни кучайтиришга сабабчи бўлади.

Ҳаётимизда вақт чегараланмаган. Армияда эса дақиқалар сўзлайди. Менга армия вақтини қадрлашни ўргатди. Айни чоғда Ўзбекистон Қўроллик Кучлари сафида хизмат қилаётганимдан фахрланаман.

Фурсатдан фойдаланиб, барча командирларимизни байрам билан табриклайман. Айниқса, катта лейтенант Зоҳид Бердимуродовга тартибни ўргатгани учун раҳмат айтаман.



Жамшидбек АКБАРОВ,
оддий аскар, 20 ёшда:

– Асли Фарғонаданман. Авваллари, телевизорда парадлар, танк миниб ўтадиган аскарлар, байроқ кўтарганларга ҳавас қилардим. Бугун ўзим байрамни чинакам аскар сифатида нишонлаганман. Бир йиллик аскарлик ҳаётимизда ўртоқларим билан қадрдон бўлиб кетдик. Биз доимо жанговар ҳолатда шаймиз. Соат 6.00 да "подём" бўлади. 45 секундда сафга туришимиз керак. Шу одатни ўзлаштиришга жуда қийналганман.

1 ой деганда зўрга ўргандим. Кейин нонушта, жанговар машқлар, маънавий дарслар билан кунимиз бир зумда ўтиб кетади. Ҳар овқатланишимизга 20 дақиқа ажратилган.

Ҳа, армия тасаввуримдагидан бошқача экан. Бу ерда тартибни, одамлар билан мулоқот қилишни ўргандим. Оилада ёлғиз ўғил бўлганим учун бир ойлик хизматга боришим мумкин эди. Аммо, ўзим хохламадим. Йиллик хизматда ота-онамдан узоқда қийинчиликларни мустақил енгишни ўрганиб, шахс сифатида шаклландим.

Эндиги мақсадим, Мудофаа вазирлиги томонидан бериладиган тавсияномани қўлга киритиб, олий таълим олмоқчиман. Қарорим қатъий – ҳарбий бўламан. Армия кўрдим, энди қийинчиликлардан кўркмайман.

Мадина АБДУСАМАТОВА
Тошкент ҳақиқати/ ёзиб олди



Юртимизда янги йилнинг илк байрами – Ватан ҳимоячилари куни арафасида шу хотираларни ёдга олдим. Сабаби, ҳар йили шу байрамда ҳаяжоним ошади. Ҳарбийларимизга раҳмат дейман. Негаки, улар биз тинч яшашимиз учун туну кун хизматда сергақлар.

Бизнинг оиламиз ҳам ҳарбийлар оиласи: раҳматли турмуш ўртоғим Янгийўл тумани ИИБда узоқ йиллар хизмат қилдилар. Тўрт ўғлим ҳам ҳарбий. Улар хизмат юзасидан сафарларда бўлишади, турли ҳодисаларни бартараф этишда қатнашади, фуқароларимиз тинч ҳаёт кечиришларига ҳисса қўшишади. Бундан фақат фахрланаман.

Табиийки, юртимиздаги ҳар бир оила, ҳар бир ота-она ўз фарзандлари қиёфасида, униб-ўсиб келаётган ёш авлод тимсолида билимли, имон-иродали, мардлик ва фидойилик фазилатларини намоён этишга қодир баркамол инсонларни кўради. Шу боис, кейинги йилларда ёшларнинг ҳар томонлама баркамол, билимли ҳамда маърифатли бўлиб вояга етишларига катта эътибор берилмоқда. Хусусан, ёш авлоднинг боғча, мактаб ва олий ўқув юртиларида сифатли таълим-тарбия олиши, жисмоний ҳамда маънавий соғлом, ватанпарвар инсонлар бўлиб улғайиши учун барча куч ва имкониятлар сафарбар этилмоқда.

Зеро, бугунги глобаллашув замонида жамоат ва давлат ҳавфсизлигини таъминлаш, аҳолини, айниқса, ёшларни турли хатарлардан, жиноий ва бошқа ноқонуний хатти-ҳаракатлардан ҳимоя қилиш муҳим аҳамиятга эгадир. Токи, фарзандларимиз, набираларимиз тинч ва хотиржам яшашсин, ҳеч қачон уруш кўришмасин.

Муҳайё ТўЛАГАНОВА,
Ўзбекистон Ёзувчилар уюшмаси аъзоси,
меҳнат фаҳрийси

Яхши хабар

Пискент тумани маҳалла ва оилани қўллаб-қувватлаш бўлими ҳузурда Ёшларни оилавий ҳаётга тайёрлаш маркази фаолият бошлади.



Мустақил ҳаёт мактаби

Марказда никоҳланувчи ёшларга оилавий-ҳуқуқий муносабатлар, психология, оила бюджети, репродуктив саломатлик асослари,

маънавий-ахлоқий қадриятларни мустаҳкамлаш бўйича машғулотлар ўтилади. Тиббиёт ва болалар хонаси, тренажер зали ҳам бор.

Аҳамиятисини, марказда ажралиш ёқасига келиб қолган оилалар ҳам ихтиёрий ўқишлари мумкин.

Марказнинг очилиш маросимида иштирок этган туман ҳокимлиги ва прокуратураси масъуллари, имом-хатиблар Ватанимиз тинчлиги, оилалар мустаҳкамлиги ва фарзандлар камолтини талаб дуо қилдилар.

Маълумот учун, туманда 26 минг 522 та оила бўлиб, ўтган йили 940 та, янги йилда эса 7 та янги оила қурилган.

Ўз мухбиримиз



МИЛЛИЙ РУҲИЯТ КЎЗГУСИ

"Олмалиқ кон-металлургия комбинати" акциядорлик жамиятида ҳам бу борада самарали ишлар амалга оширилаяпти. Яқинда комбинат ҳомийлигида "Русча-Ўзбекча кон-металлургия атамалари изоҳли луғати" нашр этилди. Ушбу китобда кончилик ва металлургияга оид кўпгина янги сўзлар келтирилган бўлиб, тахрир ҳайъати аъзолари, тақризчи ва тузувчи муаллифларнинг узоқ йиллик илмий-тадқиқотлари, янги сўз ва атамаларнинг ўзбекча муқобилларини яратиш бўйича тақлифлари инобатга олинган. Айни вақтда ушбу лугатдан кон-металлургия соҳаси мутахассислари муҳим қўлланма сифатида фойдаланишмоқда. Маълумки, сўнги йилларда ўзбек тилининг луғат

ти, айниқса, кончилик ва металлургияга оид терминлар тўхтовсиз ўзгариб, бойиб бормоқда. Ўзбекистонда кон-металлургиянинг фан ва маданиятнинг ривожига боғлиқ ҳолда ўзбек тилида изоҳли луғати терминлар пайдо бўлмоқда. Шунингдек, кўпгина сўзларнинг маънолари ўзгарди, айрим сўзлар истеъмолдан чиқиб кетмоқда ёки бошқа сўзлар билан алмаштирилмоқда. Шу сабабдан ҳам, изоҳли луғатларнинг бугунги ҳаётимизда ва фаолиятимизда аҳамияти катта. Комбинат олимлари томонидан яратилган соҳага доир ўндан ортқ китоблар қатори "Русча-Ўзбекча кон-металлургия атамалари изоҳли луғати" барча корхона, цех, бўлимларга ҳамда олий ўқув юртиларининг Олмалиқ филиаллари педагог ва талабаларига, шунингдек, касб-хунар

коллежалари ўқитувчи-ўқувчиларига ҳам етказиб берилди. Дарҳақиқат, мазкур комбинат кўп миллатли жамоат бўлиб, давлат тилида иш юритиш, ўқитиш ва ўрганиш борасида ўзига хос тажрибага эга. Бу ерда иш юритиш, асосан, давлат тилида бўлиб, махсус таржима бўлими фаолият олиб боради. Президент фармонида қайд этилган концепцияга мувофиқ, соҳавий иш юритишга оид ҳужжатларни давлат тилида олиб бориш мақсадида комбинатда тизимли ишлар йўлга қўйилди ва масъулларга алоҳида вазифалар юқлатилди. Ўзро маълумот ва ҳужжатлар алмашиш, ҳисоботларни давлат тилида тайёрлашга чуқур эътибор қаратишмоқда. Шунингдек, комбинат бошқармасининг геология, металлургия ва бошқа санаят бўлиmlарида соҳага оид

техник атамаларни таржима қилиш ва узатиш учун махсус онлайн дастурлар ишга тушириляпти.

Бундан ташқари, давлат тилининг мавқенини мустаҳкамлашда комбинат ҳаёти ва фаолиятини мунтазам ёритиш борувчи Ахборот хизмати таркибидagi матбуот нашрлари, ижтимоий тармоқлардаги саҳифалари ҳамда телестудия имкониятидан ҳам кенг фойдаланиляпти. Комбинат ўқув марказида давлат тилида иш юритиш бўйича мунтазам ўқув курслари ташкил этилмоқда.

Александр РАСУЛОВ,
"Олмалиқ КМК" АЖ Бошқарув раисининг маслаҳатчиси
Абдурашид ҲАСАНОВ,
"Олмалиқ КМК" АЖ бош муҳандисининг ўринбосари,
техника фанлари доктори,
профессор

ЎЗБЕКИСТОН МУДОФААСИГА ҚўМАКЛАШУВЧИ “ВАТАНПАРВАР” ТАШКИЛОТИ ТОШКЕНТ ВИЛОЯТИ КЕНГАШИ

*аскар ва сержантлар, офицер ва генераллар,
ҳарбий хизматчилар ва фахрийларни*



**Ўзбекистон Республикаси
Қуролли Кучлари**

**ташқил этилганининг 29 йиллиги ва
ВАТАН ҲИМОЯЧИЛАРИ КУНИ**

билан қутлайди!



*Миллий армиялизнинг жанговар қобилияти ва мамлакатилиз мудофаа қудра-
тини янада оширили йўлидаги савб-ҳаракатларингизда зафарлар тилайли!
Ватанилизга сизқидилдан хизмат қилишдек шарафли вазифани адо этилида
мустанжам соғлик, кул-гайрат, оилаларингизга фойиз-баракка ёр бўлисин!*